

Lesedi ya BATHO

TSWANA - My Soul Thirsts

MOYA WA ME O NYORILWE



“Jaaka kwalata e hemahemela melatswana ya metsi, moya wa me o Go hemahemela jalo Modimo.” Moya wa me o nyorelwa Modimo ebong Modimo o o tshedileng. *Psa. 42:1, 2.*

Mafoko a, a Mo-Pisaleme a, a ama motho mongwe le mongwe. Modimo o re dirile - Moya le botho le mmele. Jaaka mmele wa rona o batla dijo le gonwa, moya le ona o nyorelwa Modimo jalo, ebong Modimo o o tshedileng. Ha re sa fepe mmele kgotsa ra o nosa, re kaa swa, kgotsa re ka lwala ge re fepa mmele ka dijo le dino tse di sa o tshwanelang. Go jalo le moya, gonne motho ga a tshela fela ka senkgwe mme o tshela le ka lefoko la Modimo. Jesu o rile: “Ke nna senkgwe sa bophelo; le e le mang yo o tlang go nna ga a kitla a tlhola a utlwa tlala; le ene yo o dumelang mo go nna ga kitla a utlwa lenyora. Gonne senkgwe sa Modimo ke se se hologang se tswa legodimong, mme se naya lefatshe lotlhe botshelo.” *Johan. 6:33, 35.* “Ammaruri, ammaruri, kea le raya, yo o dumelang mo go nna o na le botshelo jo bo sa khutleng. Ke nna senkgwe sa botshelo se se tswang legodimong; yo o jang senkgwe se o tla tshela ka bosenabokhutlo.” *Johan. 6:47, 48, 51.*

Jesu o reile mosadi wa Samarea a re, ha a kabo a

itsitse neo ya Modimo, o kabo a Molopile mme o na a tla mo naya go nwa metsi a a tshedileng. A mo raya gape a re, le ha e le mang-mang yo o nwang metsi a Ena a mo fang ona, ga a kitla a tlhola a nyorwa, me metsi a a tla mo fang ona a tla tswa motswedi wa metsi mo go ene a a tsweleng botshelong jo bo sa khutleng. *Johan. 4:10-14.*

Jesu, Ena Lefoko la Modimo le le ne la fetoga nama, mme la aga mo gare ga rona, ke Ena fela senkgwe se se tshedileng se se itumedisang, ke sona fela se fang motho metsi a a tshedileng a a tlosang lenyora la moya. Ga go sepe se sele mo lefatsheng leno se se ka fang motho bophelo jo bo sa khutleng, sa mo naya boitumelo joa ka metlha. Le seng chelete, boithabiso, basadi, banna, tumo, tlotlo, dino, tanse motsoko, dipilisi kgotsa motekwane, kgotsa eng se se ka itumedisang kgotsa sa nyorolla moya wa rona o o sa sweng. Monna wa mohumi yo Jesu a kileng a bua ka ga ena, o ne a na le tsotlhe tse, mme erile la bofelo a ya moleteng, a boga lenyora la bosakhutleng, a ba a kopla Lazaro go ina monwana mo metsing a o bee mo lolemeng la gagwe le le fisang, ka a na a le mo pogisong ya molete o o sa feleng; ga bo go se ka moo Lazaro a ka mo thusang ka teng.

Oho, wena tsala ya me, khutla go leka go fepa moya wa gago ka dilo tse di senang sepe tsa lefatshe leno. Dia tsietsa. Di iponatsa o ka re di ka thusa, me di go tlogele mo lenyoreng le mo tlang ya gale. “Me go tla etsa jaaka ha motho yo o bolailweng ke tlala a lora me bonang oa ja; me a thanye, me moya wa gagwe o bo o le olea fela: kgotsa jaaka motho yo o nyorilweng a lora, me bonang oa nwa, me a thanye, me bonang oa idibala, moya wa gagwe o nyorilwe.” *Isa. 29:8.*

Ha o sa fepe moya wa gago ka senkgwe sa bophelo, wa o nosa metsi a botshelo mo go Kresete Jesu, o tlaa swa. Boithabiso ba sebe ga se dijo tsa moya. Re tlhodilwe ke Modimo wa dira motho e!e moya o o tshedileng. Ke Ona Modimo fela o ka kgorisang keletso ya pelo le lenyora la moya. Moya wa rona o llela Modimo, Modimo o o tshedileng go o itumedisa. Ha re sa dumelle moya wa rona go kgorisiwa ke tsa semoya, re tla nyelela re tshwarwa ke lenyora la bosakhutleng le tlala e tla re tshwara re le mo dikgabong tsa molete tse di sa feleng.

Jesu o na a tla mono lefatsheng go tla a fepa meoya ya rona ka bo-Ena, ka ele senkgwe se se tshedileng, le go tima lenyora la moya ka metsi a

bophelo. Hela jaaka o ja senkgwe sa lefatshe leno, go fepa mmele wa gago, jaa Jesu a nne mo pelong ya gago, o nwe Moya o o Boitshupo o Jesu a o rometseng mono lefatseng go nna motswedi mo go wena; o tla go sedimosetsa, o go tiisa, o go gogela mo nneteng yotlhe.

Jesu o rile, "Yo o jang nama ya me, a ba a nwa madi a me o na le botshelo yo bo sa khutleng, me ke

tla mo tsosa mo tsatsing la bofelo, gone nama ya me ke sejo rure, le madi a me seno rure. Yo o jang nama ya Me a ba a nwa madi a me, o nntse mo go nna, le nna mo go ene. Se ke sona senkgwe se se hologileng se tswa legodimong, yo o jang senkgwe se o tla tshela ka bosakhutleng." *John 6:54-58.*

Amogela, mpho ya Modimo, jaanong, ke ene fela yo a fedisang tlala ya moya gotlhelele.

KGATO YA NTLHA GO YA LEGODIMONG

Modimo o re neile tsela e e ikanyegang ya go ya legodimong. Re tshwanetse go tsaya yona tsela e Modimo o re tshwaetseng yona. Llere e e isang legodimong e na le dikgato tse ntsi. Re tla kaya ngwe ya dikgato tse di kgotlwane:

Kgato ya ntlha go ya Modimong ke "Go ikwatlhalela dibe." Johane Mokolobetsi o na a ruta a re: "Ikwalthaeng, gone bogosi ba Modimo bo atametse." *Mataio 4:17.* Bapostolo le bona ba boletse batho gore ba ikwatlhale. Peter o rile: "Ikwalthaeng, le kolobediwe, mongwe le mongwe wa lona." *Ditiro 2:38.* "Ke gona ikwalthaeng, me le sokologe gore dibe tsa lona di tle di phimolwe." "Ikwalthaele boikepo jo jao gago, o rapele Modimo, gore kagongwe mogopolo wa pelo ya gago o itshwarelwe." "Ke gona metlha ya botlhoka kitso, Modimo o no wa e tlhokomologa, me gompjeno o laola gore batho botlhe ba ikwatlhale ka ntlha tsotlhe." *Ditiro 3:19; 8:22; 17:30.* Jesu, tlhogo ya Kereke a bua le dikereke tse di kwenegileng a re: "Gakologelwa mo o weleng teng, me o ikwatlhale. Ikwatlhale, e seng jalo ke tla go tlela kapele, me ke go lwantsha ka lefoko la molomo wa me. Botlhe ba ke ba ratang kea ba kgalemela, ke ba otlhae, ke gona nngang thoaafalo le ikwatlhale." *Ponatshego 2:5, 16, 21, 22.*

Boikwatlhao ke go sokologela go Modimo, o tlogela bophelo ba pele jo bo bosula le maithamako a lefatshe, me o latela Jesu o dira thato ya Modimo. *Ditiro 11:21-14; 17:30.* Boikwatlhao bo lebisitse baleofi botlhe le ba ba sa dumeleng le botlhe ba ba ipitsang Bakresete ka molomo fela, me ba phela mo sebeng, ba sule mo moeng. "A ba ikwatlhalele dibe tsa bona." *2 Bakor. 12:21.*

Boikwatlhao bo tlogedisa motho dibe, le medimo ya seseto, boloi le botagwa, boaka le bogodu le maaka, le ditiro tsotlhe tsa bogopo. Ikwalthae, o tlogela ditlolo tsa gago tsotlhe, ditshiamololo tsa gago di ka tla tsa go nyeletsatsa." *Hesekia 18:30-32.*

BOIKWATLHAO ke yona kgoro ya pholoso. *Mataio 3:2; Ditiro 2:37, 38.*

BOIKWATLHAO ke khutsahalo ya semodimo ka ga sebe. *Mataio 26:75. 2 Bakor. 7:7, 10.*

BOIKWATLHAO ke go hularelala sebe. *Job 34:32.*

BOIKWATLHAO ke go ipolela sebe. *Luka 15:21; Diane 28:13.*

BOIKWATLHAO ke go ineele Modimo ka gotlhe. *Ditiro 9:6.*

BOIKWATLHAO ke go baakanya se o se dirileng ka tshiamololo. *Luka 19:8.*

Moya o o Boitshupo ke ona o lemosang motho boleo joa gagwe, me o mo thuse go ikwatlhaya. *Joh. 16:8.*

BANGWE BA BA IKWATLHAILENG

Kgosi Dafide o na a ikwatlhaya, me a itshwarelwa. *Psa. 51:1-11.* Daniele a ikwatlhaya boemong jao batho ba gagabo, me Modimo wa mo utlwa. *Dan. 9:3-11.*

Kgosi le batho ba Ninevah ba ne ba ikwatlhaya, me motse otlhe wa bolokega. *Jona 3:5-10.*

Morwa-tatlhego o na a ikwatlhaya me a itshwarelwa ke rraagwe. *Luka 15:21.* Petros Moapostolo o na a ikwatlhaya me a busediwa mo mannong a gagwe. *Mataio 26:75.* Sauwle o na a ikwatlhaya me a nwa leina la Paulo moapostolo wa senatla. *Ditiro 9:1-22.*

BOIKWATLHAO JO ESENG JOA NNETE.

Batho bangwe ba ikwatlhaya, me boikwatlhao jo e se jao nnete. Adamo o na a latofatsa Eva, me Eva le ene a leka go iphimola molato ka noga. Faro le ene o na a ikwatlhaya fela gore petso ya Modimo e tlosiwe me boikwatlhao jao gagwe ese jao nnete. *Ex. 9:3, 4; 10:16.* Balaame Moprofeti o na a ikwatlhale, me a nne a tswelle mo tseleng e e sokameng. *Dipalo 22:34.* Kgosi Saulo o na a ikwatlhaya me a rata go amogela tlotlo ka yona nako euo, etswe a sa supe khutsafalo epe ka ga sebe se a se diriling. *1 Sam. 15:30.* A ikwatlhaya la bobedi me a sa supe maungo ape a boikwatlhao. *1 Sam. 26:21.* Judase le ene o na supa boikwatlhao jo eseng jao nnete, o na a ipobola sebe mo pele ga Baprisita ba baitimokanyi, go na le gore a ee kwa go Jesu yo a mo okileng. *Mathaio 27:3, 4.*

Ha o leofile, ipobolele ene yo o mo leofetseng. Morwa tatlhego o supile boikwatlhao jao nnete. O na a nanoga a tlogela dikolobe le mong wa gagwe yo o bosula, me a tlhamalela kwa go rraagwe, a re: "Rra KE LEOFETSE LEGODIMO (Modimo) le wena, me ga ke sa tlhola ke tshwanetswe ke go bidiwa morwao." *Luka 15:11-24.* A ipona molato, a sa leke go latofatsa ope osele, a na le tumelo e e tletseng ka ga molemo le lerato la ga rraagwe.

BOIKWATLHAO JOA NNETE.

Boikwatlhao jao nnete bo itsiwe ka maungo le ditiro tsa jona. Maungo le ditiro tsa tumelo di iponatsa ge moleofi a tota a tlogela dibe tsa gagwe me a supa khutsafalo ka ntlha ya ditsela tsa gagwe tsa boleo. Legodu le supa boikwatlhao ge le busetsa kwa go mong wa sona se a ne a se utswitse ge go kgonega. Letagwa le tla tlogela biri le boranti. Moloi le modiredi wa medimo ya disetwa o tla fisa medingwana ya gagwe le dilwana tsa boloi. Monna kgotsa mosadi wa seaka o tla tlogela tselana tsa

meitsoketso, a nna monna kgotsa mosadi wa lapa yo o ikanyegang ka gotlhe. Sakaiwa, yo e ne e le mogolwane wa baphuthi ba lekgetho o na a amogela Jesu mo ntlong ya gagwe a ba a re: "Bona Morena, bonthlangwe joa dilo tsa me ke bo naya bahumanegi; me ha ke tsetse mongwe selo sengwe ka patiko, ke mo rebolela di le nne." *Luka 19:8.*


Mokwadi wa lekwalo le o itse baleofi ba le banntsi ba erileng ba sena go ikwatlhaya ba busetsa dilo kwa go beng ba tsona, tse ba ne ba di utswitse kgotsa ba di ruile ka tsela e e seng yona. Chelete diaparo, difenichara, dipetlo, dinku, dikgogo, dipholo, dithipa, tsa busediwa go beng. Ga latlhiwa, motsoko, dikarata, dilwana tsa malepa, meriane, ditaese, ditaola, diravoloro, le tse dingwe. Ba bantsi ba ile ba kopa boitshwarelo mo go ba ba ne ba ba senyeditse, me ba bona kagiso. Ka go dira jalo beng ba dilo tse di ne di utswitse le bona ba ikwatlhaya ba bona pholoso. O seka wa diega, khubama o tshollele morwalo wa pelo ya gago ka boikwatlhao go Modimo. O solofeditse gore O tla phimola dibe tsa gago O go fa kagiso le botshelo jo bo sa khutleng.

BOITIMOKANYO

Boitimokanyo ke tumelo ya botsletsi fela; bo na le ponalo ya bomodimo me bo latola maatla a bomodimo. Moitimokanyi ke motho yo o iponatsang a le se a seng sona, o tsetsa batho ka go iponatsa ga gagwe. *11 Tim. 3:5; Mathaio 23:13, 14.* O iponatsa o ka re ke motho yo o boitshepo, me a tswa a phela mo sebeng ge a potetse. Dilo tse molemo tse a di dirang, ke go re fela a bonwe ke batho, a tlotiwe. O khurumetsa dibe tsa gagwe tse dintsi ka kobo ya bodumedi. Jesu o rile batho ba mohuta o ba tshwana le mabitla a a takilweng bosweu ka fa ntle, etswe ka mo gare a bodile. Moitimokanyi o itshwenya ka ponalo ya ka fa ntle fela, bophepa ba ka mo teng bona ga a re sepe ka bona. Moitimokanyi o rapela Modimo fela ge a le mo matshwenyegong, a lwala kgotsa a le mo kotsing, gongwe go le se a se tlhokang me ge Modimo o mo thusitse, matshwenyego a fetile, motho yo ga supe lerato mo Modimong, ga a itshwenye ka go kopana le bana ba Modimo, me le go rapela oa go khutlela. O dira jaaka Faro, yo o na a ikwatlhaya fela, a tlogela dibe, ene le morafe wa gagwe, ge dipetso tsa Modimo di ba thasetse, me ge di feta ene la sechaba sa gagwe ba kwalapatse dipelo tsa bona. *Exod. 9:27-34; 10:16-20.* Moitimokanyi o tshwaya ba bangwe diphosonyana tsa bona ka mafoko a a bokete, me ditlolo tsa gagwe tse di bokete tsona a sa re sepe ka tsona. O bona ka bonako selabenyana mo ithlong la morwarragwe, me mošepodi o o mo ithlong la gagwe ona a sa o bone. *Mathaio 7:5.* Baitimokanyi ba rata thata ditirelo tsa kereke tse di bonwang ke batho, meletlo le go dira ditemalo tsa kereke. Ha ele tirelo Modimo ya moya yona ga ba e nakele. *Mathaio 15:2, 7, 8, 9.* Moitimokanyi o rata go dira thapelo e telle mo pele ga batho, me ga a na kopano epe le Modimo mo sephiring sa gagwe.

Sebe sa boitimokanyo ga se bonolo go fedisiwa se iphitlha jaaka senokwane se apere kobo ya bodumedi, se gwanta mo medirong e mentsi ya kereke. Ke bona boitimokanyi bo dirang gore baheitene le ba e seng

Bakresete ba tlhoo tumelo ya Bokresete. Modimo o tlhoile boitimokanyi ka pelo yotlhe fela. Moprofeti Isaia a re: "Emang mo go rona yo o tla agang le molelo yo o lailang? Emang mo go rona yo o tla agang le diphiso tse di sa khutleng? Ke yo o tsamayang ka tshiamo me a bua ka thokgamo. *Isaia 33:14-17.* "Me molelo ka nosi o tla leka tiro ya mongwe le mongwe kaha e ntseng ka gona." Go tla



latlhega moitimokanyi yo o agang ka bojang, dikgong le dirite tse di tla fisiwang ka tsatsi la tshekiso. *1 Cor. 3:12-15.*

Jesu o rile: "Lo itise mo sebedisong sa Bafarasai, se eleng boitimokanyi." Ga go se se bipilweng se se se kitlang se senolwa, le ha e le se se hitlhegileng se se se kitlang se itsege." *Luka 12:1-3.* Kgaolo yotlhe ya *Mathaio 23* e kwaletswe go re thlagisa ka ga sebe sa boitimokanyi. Jesu o na kgalemela, a thlagisa Bakwadi le Bafarasai ka ntlha ya boitimokanyo joa bona. O na a ba bitse dinoga le losika loa dinoga a re." Go latlhega lona Bakwadi le Bafarasai, baitimokanyi; gonne loa tlo lo tlhatswe bokahantle joa senwelo le sejana, me mo teng go bo go tletse tse di tswang patikong le thlapelong. Tlhatswa pele bokahateng joa senwelo le sejana, gore bokahantle ga jona bo nne bontle. Go latlhega lona Bakwadi le Bafarasai, baitimonkanyi: Lo tshwana le diphupu tse di tlhatswitsweng tse ka nnete di bonalang di le ntle, me ka mo gare di tletse marapo a batho ba ba suleng, di le maswe. Go latlhega lona ba ka mo ntle lo bonalang mo bathong lo siame, etswe ka mo teng lo tletse boitimokanyi le tshiamololo." *Mathaio 23:26-28.*

Mo malatsing a bofelo batho ba tla hularela nnete ba latela moeya ya tsietso le dithuto tsa ga diabololo, ba bua maaka le boitimokanyo. *1 Tim. 4:3; 2 Tim.*

4:5. Ba ba ntseng jalo ga ba kitla ba falola thogo ya molete.

KGOLOLO.

Re ka gololwa jang mo chefing e e bolayang ya boitimokanyo? Loa ntlha re tshwanetse go dumella Modimo go re bontsha ka Moya le Lefoko la Ona, ha moya wa boitimokanyo o re tshwere. Boikwatlhao joa nnete le boipobolo bo bo tlatseng mo Modimong, le ge go tlokega, mo pele ga batho, ke yona tsela ya go gololwa mo sebeng se se ikepseteng. Re itse ka botlalo gore leitho le le phepa le le bonang gotlhe la Modimo, le bona sebe sengwe le sengwe le ha ele sefe. Re ka iphitlhela batho, ra itsietsa, me ga re kake ra tsietsa Modimo. O itse megopolo le maikaelelo a pelo, me tsebe ya gagwe e na le go utlwa se se buiwang mo

sephiring. A re gakologelweng gore mogopolo mongwe le mongwe wa rona oa bua kwa legodimong. Ga re na gona go iphitlhela Modimo. Ga go sepe se bipilweng se se kitlang se senolwa, le se se fitlhilweng se se kitlang se itsiwe. Tsholofelo ya moitimokanyi e tla nyelela, ka go se moitimokanyi yo o tla emang fa pele ga Modimo. Tsholofelo ya moitimokanyi ke efe ge Modimo a tlosa moya wa gagwe? A Modimo o tla utlwa sello sa moitimokanyi ge a le mo matshenyegong? Setlabele sa Modimo ka moya o o thubegileng. "Pelo e e phatlogileng e e ngomogileng, ga o kitla o e nyatsa Modimo. *Psa. 51:17.*

Ke gona, o ka bona kgololo ka go ikwatlhaya, o ipobolela Modimo ka boikobo le go tlogela boitimokanyo o phela bophelo joa bokresets joa nnete, jo bo supang maungo a nnete a boikwatlhao le a Moya.

O SEKA WA NNA MAMANTHANE

Mamantane o lebega jaaka nonyane, me ga se nonyane. O lebega jaaka legotlo, me ga se legotlo. Ga se nonyane le gona ga se legotlo. Mamantane o rata lefifi go feta lesedi. Ke setshwantsho sa batho ba le bantsi ba ba ipitsang bakresete; ba ya kerekeng ka Sondaga; mo gare ga veke ba fitlhelwa kwa ditanseng, dibaesekopong, majalweng ba tagwe ba leofe jaaka motho wa lefatshe fela. Ke gore ka tsatsi le le lengwe mo vekeng ba iketsa o ka re ke bakresete, letsatsi le le latelang ba tshwana le baleofi le batho ba ba senang sepe le tsa tumelo. Ba bonala jaaka o ka re ke bakresete, me mo pelong tsa bona ba nntse ba kgomaretse dilo tsa seheitene, ba dumalana le Diabolo yo e leng ene Modimo wa lefatshe leno, be dira dibe tsa mehuta yotlhe fela. Ke gore ba leka go direla Modimo le Diabolo. Ba tshwana le Mamantane, ga ba se, ga ba sele, ba rata lefifi bogolo go lesedi. O seka wa nna Mamantane. Nna mokresete wa nnete. "Ke rata wa bo o le tsididi kgotsa molelo. Me ere ka o le bothitho fela, o se tsididi, o bile o se molelo, ke tla go tlhatsa mo ganong la me." *Ponatshego 3:15, 16.*



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)